



Terenga 6: Hōtaka 44 - Te pū 'ki'

He Mihi

Kei ngā kaitaurima i te reo, huri noa i ngā motu nei, auraki mai ki te kāpunipuni o Whakaaro tapatahi, o Manawa toka, o Whaiwhairoroa.

Hei Mahi Whakarongo

E hāngai ana ngā whakamārama e haere ake nei ki ētehi whakataukī mō te pakanga, ki tā Pakake Winiata titiro. He rawe ngā whakataukī hei whakaata i te titiro a te Māori ki tōna anō ao. Anei ngā pātai hei whakautu mā koutou:

- 1) He aha te pōkēao?
- 2) He aha te whakaaro kotahi e hono ana i ngā whakataukī e rua?
- 3) He aha ngā mea iti, he aha hoki ngā mea nui e kōrerohia ana i roto i ngā whakataukī nei?


Kia whakarongo tātou ki tēnei niho rei, ki tēnei kauae paraoa o te mātauranga Māori me ōna wehenga.

He Whakamārama

Ko tētehi tikanga o te pū 'ki', he whakataki i te taputapu, i te mea rānei ka whakamahia hei whakatutuki i te wāhanga tuatahi o te kōrero. Ina whakapākehātia ēnei momo rerenga, ka rere te kupu 'with' hei whakaatu i te tikanga o te kupu 'ki' i te reo Māori. Tirohia ngā taurira kei raro iho nei:

- a) Kua ūhia te rangi **ki** te kapua. *The sky was covered with clouds.*
- e) Kōrorohia te kai **ki** te koko. *Stir the food with the spoon.*
- i) Kua e utua te kino **ki** te kino. *Don't repay evil with evil.*

He Mahi ĩ-papa



Whakamahia te pū 'ki' hei whakaoti i te rerenga kōrero kei te ĩpapa.

Hei Mahi

Whakaotihia ēnei rerenga kōrero:

1. Whakaahuangia...
2. Whakawerahia...
3. Ūhia...
4. Tuhia...

Whakautu:

Mahi ĩpapa: *I ēnei rā, whakaterea ai te waka ki te penehīni.*

Hei Mahi:

1. ...tō kanohi ki te kāmera.
2. ...te kai ki te umutira.
3. ...tō moenga ki te paraikete mahana.
4. ...ngā whakamārama ki te pene.